

Сийрат 185-дарс. Солиҳ туш

СИЙРАТ
дарслари 185-дарс

Сийрат дарслари Шайх Муҳаммад Содиқ Муҳаммад Юсуф роҳимаҳуллоҳинг
«Бу – Расулуллоҳ соллаллоҳу алайҳи васаллам» таржима китоблари ва
“Ҳадис ва ҳаёт”нинг 19-жузъи асосида бериб борилади. Мавзуларнинг тўлиқ матни
билин танишиш учун китобнинг ўзига мурожаат этиш тавсия этилади.

19:00 / 21.05.2022 3971

714. Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам айтдилар: **«Аллоҳ азза ва жалла:**
«Одам боласи Мени ёлғончи қилди, у буни қилмаслиги керак эди. Ва
Мени сўқди, у буни қилмаслиги керак эди. Мени ёлғончи қилгани
«Асло мени аввал бошдагидек ҳолга қайтармайди» деганидир.
Ҳолбуки, Менга уни қайтариш илк бор ҳалқ қилишдан қийин эмас.
Мени сўkkани эса, «Аллоҳ фарзанд тутди» деганидир. Ҳолбуки, Мен
Аҳадман, Сомадман, туғмадим, туғилмадим ва Менга ҳеч ким teng
бўлмади», деди».

Бухорий ривоят қилган.

* * *

715. Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг: **«Нубувватдан башорат берувчилардан бошқа нарса қолмади»**, деганларини эшигдим.
«Башорат берувчилар нима?» дейишди. **«Солиҳ туш»**, дедилар».

Бухорий ривоят қилган.

* * *

716. Анас ибн Молик розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: **«Албатта, рисолат ва нубувват кесилди. Мендан кейин расул ҳам, набий ҳам бўлмайди»**, дедилар. Бу гап одамларга оғир келди. Шунда у зот: **«Лекин мубашширотлар бордир»**, дедилар. «Эй Аллоҳнинг Расули, мубашширотлар нима?» дейишди. **«Мусулмоннинг тушидир. У нубувватнинг жузларидан биридир»**, дедилар».

Термизий ва Ҳоким ривоят қилишган.

* * *

717. Абдуллоҳ ибн Умар ибн Хаттоб розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам: **«Тўқима ёлғоннинг энг каттаси кўрмаган нарсани «кўрдим» дейишдир»**, дедилар».

Бухорий ривоят қилган.

«Расулуллоҳ соллаллоҳу алайҳи васаллам» китобидан